

Gvangjsih Minzcuz Bau

Guenjbanh: Gvangjsih Bouxcuengh Swcigih Minzcuz Cunghvau Swvu Veijyenzei

Okbanj: Gvangjsih Minzcuz Bause

Geiz neix 8 banj

广西民族报

Aenhauh okbanj: CN45-0036

B.2022

Nd.5

Ng.4

Liggaeuq nyaemzyinz nienz ndwenseiq coseiq

Geizsoq: Gungh daih 3522 geiz

Swcigih Dangjvej Hai Aen Hoih Naenghdamz Siz Ginbingz Cungjsuhgi Cazyawj Gvangjsih Gangjvah Youqgaenj “4·27” Ndaej Hopbi

自治区党委召开习近平总书记视察广西“4·27”重要讲话发表一周年座谈会

Youq mwh Siz Ginbingz cungjsuhgi cazyawj Gvangjsih ndaej hopbi, 4 nyied 27 hauh, Swcigih Dangjvej youq Namzningz hai Aen Hoih Naenghdamz Siz Ginbingz Cungjsuhgi Cazyawj Gvangjsih Gangjvah Youqgaenj “4·27” Ndaej Hopbi, guh baijbouh moq, doicaenh moq, doeksaed moq haeujlaeg hagsib gvancez gij cingsaenz gangjvah youqgaenj Siz Ginbingz cungjsuhgi cazyawj Gvangjsih caeuq gij iugouz ciji youqgaenj baenzroix naeuz hong Gvangjsih, roxyiuj gij yiyi naek “song aen laebdingh” laegdaeuq, giengiet guh daengz “song aen henhoh”, gyo-

mbaiq haenqguh baenaj, gaenndaet bouxlingxdaeuz fukhwng hungmbwk haenqrenz saedguh, giet sim comz rengz cauhaeb aen Gvangjsih gyaen-dei sevei cuji miz daegsaek Cungguk seizdaih moq, yungh hengzdoengh saed angqcoux Ngeihcib Daih Dangj hai ndaej baenz. Swcigih Dangjvej suhgi, Swcigih Yinzda Cangzejvei cujiin Liuz Ningz cujiz aen hoih caemhcai gangjvah. Swcigih Dangjvej fusuhgi, Swcigih cajsiz Lanz Denhliz, Swcigih Cwnghez cujsiz Sunh Daveij daengi camgya hai hoih caemhcai gangjvah.

Aen hoih dauqcungz hagsib le gij

gangjvah youqgaenj “4·27” Siz Ginbingz cungjsuhgi cazyawj Gvangjsih, lwnh le gij cingzgvang daengx gih gvancez doeksaed gij cingsaenz gangjvah youqgaenj “4·27” Siz Ginbingz cungjsuhgi cazyawj Gvangjsih caeuq gij iugouz ciji youqgaenj baenzroix naeuz hong Gvangjsih. Daihgya cungj naeuz, Siz Ginbingz cungjsuhgi bi’ gvaq cazyawj Gvangjsih, cungfaen yienh’ ok de lai yawjnaek dieg minzcuz bien’ gyaic, dieglaux gwzming, haeusim ndiepgyaez beksingq gak cuz Mbanjcuengh, caensim maqmuengh Gvangjsih hwngfat. Daihgya cungj naeuz, aeu gaenndaet

bouxlingxdaeuz fukhwng hungmbwk haenqrenz saedguh, laebdin gangjvei roengzrenz guhhong, ak ca doeksaed, youq gwnzroen moq vih saedyienh aen moegbiu hungmbwk cauhaeb aen Gvangjsih gyaen-dei ok rengz hung.

Swcigih seiq gya banhswj lingjdauj, swcigih song yen cujau lingjdauj, gak laeb gih si dangjvej cujau fucwz dungzci caeuq gihciz, cunghceiz mizgven danhvei dangjuj (dangjvej) cujau fucwz dungzci, caeuq mbanj boux gihcwngz ganbu ginzcung, giyez daiyauj daengi camgya hai hoih.

(Cinz Yizcwz Vei Hwngz)



Byacaz Hawj Vunz Miz Eu Fwen Haenh Vuenyungz

茶山铺富路 山歌唱幸福

Denhdwnj Yen ndawgyaiq dingzlai dwg byadaemq, ndoi, bya heu raemx saw, gingjsaek gyaen-dei, dienheiq raeujrub, ndit cuk, raemx lai, dwg dieg ndaem cazgudjdingh Cungguk; daengx yienh ndaem cazgudjdingh 1.35 fanh moux, bi baenz cazndip 450 lai dun. Geij bi neix daeuj, aen yienh neix genhceiz byaij diuzroen hwngfat saekheu, laebdin saedsaek bonjdieg, doenggyaq aeu caz caeuq lijyouz dox yungzhab, aeu suencaz cau haenz aen suen comz youqndwi, yawjngonz, mbaetsou youq itheij, hawj giindei swngdai bienqbaenz giindei baenz cien, bang vunzlai dangdieg laisou. Ndaudoz dwg mboengqneix geij dabsau youq suencaz mbaet caz.

(Vangz Cwngzsungh Cinz Yizgiz Lij Gohfu ingi)

Gvangjsih Swhda Cuzbanjse: Oksaw Ca Mbouj Geijlai 40 Fanh Cek Saw Vwnzyen Sawgaeuq Dijbauj

广西师大出版社：出版近 40 万册珍稀古籍文献图书

Mboengqneix, Cunghung Cunghyangh Bangunghdingh, Gozvuyen Bangunghdingh fatbouh 《Gij Yigen Mizgven Doinyoengx Hong Sawgaeuq Seizdaih Moq》(bailhaj heuh 《Yigen》), naeuz gij hwngfat fuengyiengq hong sawgaeuq seizdaih moq guk raeuz, youq gizdieg guh hong oksaw sawgaeuq miz fanyiengj hoenghhwd. Gvangjsih Swhda Cuzbanjse geij ngoenz neix cujiz hai lai ciengz ciendaez hoih naenghdamz, hagsib gvancez gij cingsaenz 《Yigen》.

“2022 nienz, ‘gyagiengz baujhoh leihyungh vwnzvuz sawgaeuq’ baez nduj raiz haeuj cwngfuj gunghcoz baugau. 《Yigen》 fatbouh, neix dwg naeuz hong baujhoh, swnjcienz, hwngfat sawgaeuq miz hwngfat seizgeiz moq.” Gvangjsih Swhda Cuzbanjse cizdonz dungjswcangj Vangz Senhcangh naeuz, “Gvangjsih Swhda Cuzbanjse yaek ca ndei seizndei hagsib gvancez gij cingsaenz 《Yigen》, gyagiengz ciengjouq baujhoh, cingjleix yenzgiu caeuq oksaw leihyungh

sawgaeuq, haeujlaeg doinyoengx cauuhguh cienjvaq, cauhoq hwngfat cienzdoengj vwnzva maenhndei Cunghvaz, haenqrenz raiz biencieng moq hong sawgaeuq seizdaih moq, vih cukmaenh gij giek vwnzva maenh-saed fukhwng hungmbwk Cunghvaz Minzcuz lai ok rengz.”

Ciuq cam rox, dangguh aen cwngzyenz danhvei Cungguk Banjhez Gujiz Cuzbanj Gunghcoz Veijyenzei dandog Gvangjsih, 30 lai bi doxdaeuj, Gvangjsih Swhda Cuzbanjse dingj-

maenh gij leixniemh ingjaenq guhdaez, cienzmienh soucomz, habdoh cingileix, lienzhab Bwzgingh Duzsuhgvanj, Meijgoz Hafuz Dayoz Hafuz Yenhgingh Duzsuhgvanj daengj vwnzva gihgou ndawguk rogguek, laebdaeb oksaw 580 lai cungj ca mbouj geijlai 40 fanh cek saw vwnzva sawgaeuq dijbauj, gonqlaeng ndaej 10 lai hangh ciengj oksaw guekgya gaep.

(Lij Gwnj Cinz Nen)